

ՈՐՈՇՈՒՄ

«ՏԵՆԴԵՐ ՊՐՈ» ՍՊ ԸՆԿԵՐՈՒԹՅԱՆԸ ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

ք.Երևան

26-ը դեկտեմբերի 2024 թվական

Հիմք ընդունելով «Գնումների մասին» ՀՀ օրենքի (այսուհետ՝ Օրենք) 6-րդ հոդվածի 2-րդ մասը և ուսումնասիրելով «Երևանի մաթեմատիկական մեքենաների գործարան» ՓԲ ընկերության (այսուհետ՝ Պատվիրատու) կողմից կազմակերպված «ԵՐՄՄԳ-ԷԱՃԱՊՁԲ-ՊՈՄՊ-2024» ծածկագրով գնման ընթացակարգին վերաբերող փաստաթղթերը՝ ստորև ներկայացնում եմ «ՏԵՆԴԵՐ ՊՐՈ» ՍՊ ընկերության (այսուհետ՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ որոշման հիմնավորումը.

«Երևանի մաթեմատիկական մեքենաների գործարան» ՓԲԸ-ի կարիքների համար ջրի պոմպի ձեռքբերման նպատակով «Երևանի մաթեմատիկական մեքենաների գործարան» ՓԲԸ-ի և «Տենդեր Պրո» ՍՊԸ-ի (այսուհետ նաև՝ Ընկերություն) միջև 2024թվականի օգոստոսի 23-ին կնքվել է՝ ԵՐՄՄԳ-ԷԱՃԱՊՁԲ-ՊՈՄՊ-2024 ծածկագրով ապրանքի մատակարարման պայմանագիր: Պայմանագրի 1.1 կետի համաձայն՝ «ՏԵՆԴԵՐ ՊՐՈ» ՍՊԸ-ն պարտավորվել է սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ տեխնիկական բնութագրով նախատեսված և տվյալ ծածկագրով գնման ընթացակարգի գնահատող հանձնաժողովի՝ հայտերի բացման և գնահատման նիստի արձանագրությամբ՝ նույն ընթացակարգի հրավերով սահմանված պահանջներին համապատասխանող գնահատված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար: Մատակարարման վերջնաժամկետ է սահմանվել 2024թվականի հոկտեմբերի 10-ը: 19.12.2024թվականին գրությամբ ծանուցվել է Ընկերությանը տրամադրելով ժամկետ ապրանքի մատակարարման համար մինչև 23.12.2024թ ժամը 16:00-ն: Գրությամբ տեղեկացվե է, որ ապրանքի չմատակարարման դեպքում համաձայն 2.1.7 կետի պայմանագիրը միակողմանի կլուծվի: Ընկերության կողմից վերը նշված ծանուցմանը արձագանք չի եղել: Փաստացի համարվում է,

որ Ընկերությունը հրաժարվում է ապրանքի մատակարարումից: Համաձայն պայմանագրի 2.1.1 կետի Պատվիրատուն իրավունք ունի լրիվ կամ մասնակի միակողմանի լուծել պայմանագիրը, եթե Վաճառողը էականորեն խախտել է մատակարարման ժամկետը: Վաճառողի կողմից պայմանագիրը խախտելն էական է համարվում, եթե՝ ապրանքի մատակարարման ժամկետները խախտվել են 5 օրից ավելի:

Համաձայն ՀՀ կառավարության 04.05.2017թ. որոշման 33-րդ կետի 17-րդ ենթակետի, պայմանագրի 2.1.7 կետի, ինչպես նաև հիմք ընդունելով ՀՀ քաղաքացիական օրենսգրքի 408-րդ հոդվածը, 466-րդ հոդվածի 3-րդ մասը «Երևանի մաթեմատիկական մեքենաների գործարան» ՓԲԸ-ն 2024թ. դեկտեմբերի 25-ից ամբողջությամբ և միակողմանի լուծում է վերը նշված պայմանագիրը:

Հարկ ենք համարում նաև նշել, որ համաձայն ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 33-րդ կետի 17-րդ ենթակետի՝ պայմանագրերը ամբողջությամբ և միակողմանի լուծելու մասին ծանուցումը պատվիրատուն սահմանված կարգով հրապարակել է տեղեկագրում:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակներում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Ելնելով վերոգրյալից հարկ է նշել, որ եթե մինչև 2025 թվականի հունվարի 7-ը Ընկերության կողմից վճարվի վերը նշված 140000 (մեկ հարյուր քառասուն հազար) ՀՀ դրամ պայմանագրի կատարման ապահովման և 210000 (երկու հարյուր տասը հազար) ՀՀ դրամ որակավորման ապահովման գումարները, ապա Պատվիրատուի կողմից միջոցներ կձեռնարկվեն սույն որոշման հիման վրա իրականացված գործընթացը ՀՀ օրենսդրությամբ սահմանված կարգով դադարեցնելու համար:

Հաշվի առնելով վերոգրյալը և նկատի ունենալով այն փաստը, որ առկա է այնպիսի իրավակարգավորումներ, որոնց համար անհրաժեշտ է հիմնավոր ժամանակահատված, որը հնարավորություն կտա հասցեատիրոջը իր վարքագիծը համապատասխանեցնելու սահմանված պահանջներին՝ գտնում եմ, որ վերը նշված վճարները Պատասխանողի հաշվեհամարին չփոխանցելու դեպքում առկա է լինելու «ՏԵՆԴԵՐ ՊՐՈ» ՍՊ ընկերությանն Օրենքի 6-րդ հոդվածի 1-ին մասի 6-րդ կետի «ա» պարբերությամբ նախատեսված՝ գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը, և որոշում եմ՝ «ՏԵՆԴԵՐ ՊՐՈ» ՍՊ ընկերությանը ներառել նշված ցուցակում:

Սույն որոշումն ուժի մեջ է մտնում 2025 թվականի հունվարի 08-ից:

Մասնակցի						
Անվանումը	ՀՎՀՀ/Ֆիզ. անձի դեպքում հանրային ծառայության համարանիշը	գործունեության հասցեն	Գնումների գործընթացին մասնակցելու պայմաններին չբավարարելու իրավական հիմքը			ցուցակում ներառելու մասին պատվիրատուի ղեկավարի կայացրած որոշման ամսաթիվը և գնման ընթացակարգի ծածկագիրը
			խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ	խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը	որպես ընտրված մասնակից հրաժարվել կամ զրկվել է պայմանագիր կնքելու	

			մանակցի հետագա մանակցո ւթյան դադարեց մանը		իրավի նքից	
«ՏԵՆԴԵՐ ՊՐՈ» ՍՊԸ	08274655	ք. Երևան, Բաղրամ յան 1 փկղ., 142., 147 քն		ՀՀ կառավարության 04.05.2017թ. որոշման 33-րդ կետի 17-րդ ենթակետի, պայմանագրի 2.1.7 կետ		ԵՐՄՄԳ- ԷԱՃԱՊՁԲ- ՊՈՄՊ- 2024 26.12.2024թ

«Երևանի մաթեմատիկական մեքենաների գործարան»
ՓԲ ընկերության գլխավոր տնօրեն՝



Ռաֆայել Սահակյան